

RAYMUNDUS TELLERÍA

R.P. ISIDORUS ANTOÑANZAS,

primus ex Hispania sodalis Congregationis SS.mi Redemptoris

Cum nuper scriptores atque oratores illustrabant saeculum revolutum ab initio foundationis hispanicae (1863-1963), praememorare didicerunt quasi horae primae operarium Rev.dum P. Isidorum Antoñanzas, etsi e vivis extra patriam raptum quin, in ipsam feliciter redux, exercere posset inter nostrates ministeria salutis modo specifico ac normis definitis, quibus instructus mansit post suam in Italia septentrionali adscriptionem Instituto alfonsiano. Huius vexilliferi nomen haud semel allatum fuit tum olim (1), tum recentius (2) in publicationibus diversis, at fere semper per transennam evocatum.

Excursus noster hodiernus resumit folium necrologiae eidem post obitum dicatae, praemissis succinctis vestigationibus in illius oppido natali necnon in funeris loco: utriusque enim archiva nequeunt copiosis documentorum fascibus augere nostri herois staturam, necessario modestam, licet sub aspectu praecursoris conspicuam. Illuminare ergo satagam duas in illius curriculo phases potissimas: aliam, quae respicit P.is Antoñanzas patriam, natalia, vocationem ecclesiasticam, in bello civili participationem atque per diversas nationes exilium; aliam vero, quae afficit eiusdem vocationem alfonsianam, novitiatum, biennium apostolicum ac mortem heroicam in nostra Congregatione.

I. - *Rev.di P.is Antoñanzas patria, familia, curriculum ecclesiasticum, exilium.*  
(1806-1843)

Cunabula seu natalitia novit P. Antoñanzas in Veteris Castellae civitate, cui inter latinos scriptores adiudicatum fuit nomen Calagurris Nasica. Tarracoenensi (*Tarragona*) regioni a romanis addicta, semel atque iterum in eorum pugnis civilibus aut militaribus comparet (3), et quidem interdum patiens adeo incredibiles obsidionis horrores, ut fames calagurritana in proverbium

(1) *Annales Provinciae Hispanicae*, I, Matriti 1925, 15. - R. TELLERÍA, *Un Instituto Misionero*, Madrid 1932, 234.

(2) D. DE FELIPE, *Fundación de los Redentoristas en España*, Madrid 1965- 8-9. - *Spic. hist.* 13 (1965) 293.

(3) I. CAESAR, *De Bello Civili*, I, 60: « Iterum Oscenses et Calagurritani, qui erant cum Oscensibus contributi, mittunt ad eum [Caesarem] legatos seseque imperata facturos pollicentur ».

transiret apud gentes (4). Clivus namque oppidi, naturâ rivoque Cidacos ac moeniis potenter munitus, propugnaculo erat flumini Ibero haud procul vadando necnon finitimis Vasconum possessionibus. Idcirco a curriculo vitae P. is Antoñanza seiungi pariter nequit anxia praeliorum memoria.

Enimvero, vixdum ille in lucem editus die 4 mensis aprilis an. 1806 (Doc. I), a teneris unguiculis discrevit sonitum armorum, contra Napoleonem furentium ubique post biennium. Provincia siquidem, seu melius geographica regio nuncupata « La Rioja », cuius cardo militaris censebatur Calagurris, suppeditavit cohortes plurimas atque spontaneas ad expellendum ex patriis finibus exercitum gallici imperatoris. Familia P. is Antoñanzas fuisse videtur et genere et opibus sat clara, utpote praestans inter loci agricolas coaevos: unico filio Isidoro aucta conspicitur, saltem in Regesto urbano an. 1821, in quo filius iste quindicennis morans domi cum genitoribus adducitur (Doc. II).

Hucusque silent fontes archivi (5) super adolescentis nostri studiis civilibus et ecclesiasticis ac super eiusdem vocatione ad Christi militiam. Urbs Calagurris gloriabatur meritoque exultat ex eo quod fuerit patria M. Fabii Quintiliani, « per viginti annos erudiendis iuvenibus » (ut ipse ait) addicti ideoque gerentis cathedram oratoriae institutionis inter romanos (6). Unde illius nomine ac praesidio perstiterunt semper in honore apud calagurritanos litterae humaniores, etiamsi primis saeculi XIX decenniis subiacerent deteriori rythmo culturae generalis.

Ex opposito avita fides catholica, quae a saeculo V episcopalem sedem Calagurri instituerat et quae confovebatur sacris reliquiis SS. martyrum Hemetherii ac Caeledonii, perrexit florere, immo ardentem sese foras expromere adversus quoslibet hostes. Hinc factum est ut an. 1833, demortuo rege Ferdinando VII atque ineunte bello civili inter illius fratrem D. Carolum et defuncti regis viduam D. Christinam, conclamatum est ad arma sub specie potissima religionis defendendae. Enimvero D. Caroli asseclae adfixerant labaro bellico trinomium « Deus, Patria, Rex » quasi tesseram fideiussoriam divini beneplaciti, dum adversarios despiciebant liberalismo infectos et traditionibus christianis minus faventes.

Ex nationis regionibus, quae pro D. Carolo ad thronum evehendo dimicare statuerunt, tenuit ab initio optimas partes « La Rioja » eiusque historicum caput Calagurris: unde nihil mirum quod Antoñanzas noster, ab uno alterove anno factus sacerdos, adhaeserit regio candidato catholico atque inter eiusdem militias, praeliandi ac precandi animo decoras, obierit munia cappellani. Et quidem per plures annos, ni fallimur: scilicet usque ad cruentissimi nationalis fratricidii terminum, signatum an. 1839 in oppido Vergara ideoque nuncupatum « amplexus Vergarensis » (*abrazo de Vergara*): quem tamen

(4) IUVENALIS, *Sat.*, XV, 108.

(5) Archivum Curiae calagurritanae adire nequivi propter absentiam archivistae feriarum tempore: postmodum per epistolas conatus sum reperire notitias, si quae sint in archivo, de studiis ecclesiasticis ac sacris ordinibus nostri herois, sed hucusque frustra quaesivi.

(6) Etiam M. Val. Martialis, Bilbuli in Celtiberia natus, nuncupari consuevit calagurritanus alumnus.

quasi proditoriam pacis simulationem reiecerunt « carlistae » non pauci, sive duces, sive milites, quibus visum est honorabilius cum D. Carolo in exilium abire ac per Europam oberrare quam intra Hispaniam collum dare iugo « liberalium » (7).

Huic strenuo heroum agmini in Galliam proficiscenti miscuit se cappellanus D. Isidorus Antoñanzas, quem Relatio infra citanda (Doc. IV) nobis commonstrat accedentem primo ad urbem Baionam (*Bayonne*), deinde ad Massiliam (*Marseille*), utramque in regionibus meridionalibus, quae devictis centuriis « carlistis » perfugium obtulerunt: saltem ad tempus et dum stipem e domo portatam spargere extorres valuerunt. Mox suam quisque exul viam capessivit: unde comperimus D. Isidorum solum vel cum amicis superstitionibus incolentem plures successive civitates: Friburgum in Helvetia, Salzburgum, Innsbruck atque Bolzanum in Austria: de quibus nos docet Relatio visitationem aut commorationem nostri cappellani huiusque probationem ab auctoritate ecclesiastica ratam.

Inter eiusmodi peregrinationes D. Isidorus Friburgi Helvetiorum factus est obvius Patribus Redemptoristis, quorum Fundator S. Alfonsus in ore omnium versabatur propter recentem canonizationem ac consequenter exacerat publicam attentionem circa illius Institutum missionarium. Nihilominus ignoramus quibus humanis instrumentis usa fuerit Providentia ad vocationem D. Isidori suscitandam et convehendam versus novitiatum, in ducatu Mutinensi (*Modena*) a Patribus austriacis adumbratum. Unum scimus: quod Ven. P. Iosephus Passerat, Vicarius Generalis Transalpinus et Vindobonae degens, cui de candidato hispano transmissae erant informationes, easdem libenter excepit et libentius admisit tironem ad Christi Redemptoris scholam alfonsianam experiendam.

2. - *Adumbratur historia domus Finariensis (Finale), ubi postmodum vixit ac mortuus est P. Antoñanzas.*

Factum per se insuetum iubendi quod candidatus D. Isidorus Antoñanzas sese transferret ex Helvetia in italum Mutinae (*Modena*) Ducatum, indiget quodam historiae praenotamine, quo sub oculos anteponantur, tum adiuncta regionis politica, tum coaeva Congregationis alfonsianae diffusio: ex utroque fonte atque ex mitiore caeli temperie manarat opportunitas translationis tironis hispani in Novitiatum Finariensem (8).

(7) Eximius archivista calagurritanus D. Petrus Gutiérrez, peractis investigationibus apud municipii archivum, mihi rescribit die 11 aprilis an. 1966: « Los verdaderos calagurritanos, y buenos españoles, por ser defensores del lema Dios, Patria y Rey fueron muy perseguidos y castigados, pues a gran parte del Cabildo Catedral, del Ayuntamiento y de seglares los encarcelaron en Logroño. El Sr. Obispo tuvo que huir, y a las familias de los seglares partidarios las obligaban, entre otras cosas, a pagar una onza de oro todos los meses... Los jóvenes tuvieron que huir, y entre ellos el joven Antoñanzas, aunque expresamente no se particulariza en los documentos ».

(8) Prae aliis documentis praesto mihi fuerunt: 1. AG XXII R 10: Registro Cronologico per servire alla Storia delle Case di Modena e Finale (1835-1866). - 2. AG XXII 9b: Collegio del Finale di Modena. Notizie Storiche dalla fondazione di questo Collegio sin'alla

Ad adiuncta politica quod attinet, instaurata an. 1814 pace europaea post Napoleonis dilapsam, insedit denuo Mutinae familia ducalis Estensis subductu piissimi D. Francisci IV, qui principatum suum fulturus contra plebem, subinde iugo auctoritatis infensam, advocavit penes se milites alienigenas ex imperio austriaco conscribendos: quibus ope spirituali alendis ac reficiendis, cum egeret cappellanorum servitio, Franciscus IV ex consilio fratris sui archiducis Maximiliani deliberavit eosdem exquirere ab Instituto alfonsiano: attamen si talis fuit prima illius recondita intentio (9), de facto atque externe se declaravit ab initio, id est, ab anno 1828 contentum unico cappellano germanico, relicta Rectori Maiori neapolitano libertate deligendi duodecim Congregationis alumnos, quibus cedere decreverat aedes sacras Finarii « disponibiles ».

Non est cur immoremur in exponendis negotiationibus, quae spatio quinque saltem annorum (1828-1833) frustra initae et continuatae sunt cum Rectore Maiore, de quibus prostant epistolae, iam pridem diligenter a P. Sampers editae (10). In cassum ergo abeunte ducis Mutinensis postulatione apud sodales neapolitanos, datum est transalpinis illam libere subscribere ac tandem felici exitu complere. Hunc in finem, suadente Rev.mo P. Passerat, die 2 martii an. 1835 advenerunt Mutinam PP. Franciscus Doll et Adamus Mangold cum Fr. Antonio Grillmayer, quibus in Domino allectandis cessit princeps Mutinensis hospitium S. Margaritae atque adnexum sacellum «germanicum» (11), utrumque prope ducale palatium.

Nihilosecius, paucis post diebus, ipse dux sibi constans atque alienus a politicis speculationibus aperuit genuinam suam mentem, scilicet propositum adsignandi advenis missionariis eorumque italis successoribus conventum sat amplum, claustralibus hospitibus multo pridem orbatum, in oppido Finarii intra Ducatus limites situm. Finarium porro sive *Finale Emilia*, 40 circiter kms a Mutina distans et 5.000 incolis castrum tunc conspicuum, signabat finem inter ditionem mutinensem ac legationem ferrariensem, ab an. 1598 a S. Sede constitutam: attamen, lapsu praecedentium saeculorum, sub familia Estensi obvenerat arci seu castello Finarii pondus invigilandi hostium machinationibus eisque sese opponendi, prouti hodieque testificantur de ducibus Finariensibus lapideae inscriptiones, quae eorum facinora extollunt in frontispitio arcis turratae (*La Rocca*) (12).

fine del 1938. - 3. AG XXII R 11: Elenco dei soggetti successivamente assegnati a questo Collegio di Finale (1836-1859). - 4. AG XXII R 2: Praecepta et mandata Superiorum Majorum (1838-1859). Finale.

(9) Cfr *Litt. Annales Prov. Romanae*, Romae 1914, 11.

(10) Cfr. *Spic. hist.* 4 (1956) 72-81.

(11) « Germanicum » dicimus quatenus legimus in *Registro Cronologico*, f. 9: « I nostri PP. cominciarono i suoi lavori apostolici fra i tedeschi a Modena, predicando per la prima volta nella Cappella Reale di S. Margherita nel giorno 19 marzo festa di S. Giuseppe ». Sacellum est hodie sedes officinae typographicae, quae visitanti praebet tecti fornices, respondentes aedificio olim sacro.

(12) Ecce inscriptio ibidem posita tempore Ecclesiae minus propitio: « Carlo contestabile Borbone / Alfonso I d'Este / Con altri capitani per Carlo V / segretamente accordaronsi nel castello di Finale / sulle cose della guerra che finì colla presa di Roma maggio 1527 ».

Haud procul ab arce et moeniis incepit, versus an. 1625, aedificatio conventus cum attigua ecclesia sub impulsione PP. Conventualium: qui, etsi intervallo centum et amplius annorum emicuerunt viris eximiis (13) eosque halitu franciscano stimularunt ut sese Christi fidelibus devoverent, nihilominus an. 1768 a duce Mutinae — inter gravescentes iesuitarum procellas — suppressi sunt. Exinde, alternante occupationis vel deiectionis vicissitudine, aedificium venit adscitum scholis publicis agendis, donec praefato anno 1835 transmissum fuit a duce D. Francisco IV in dominium PP. Redemptoristarum, Mutinae advenarum, qui peractis domi atque in ecclesia restorationibus necessariis inchoarunt die 2 augusti an. 1836 vitam plene religiosam atque apostolicam secundum Instituti regulas et traditiones, plaudente universo populo eiusque Duce mutinensi congaudente.

Finarienses annales ex tunc usque ad annum 1843 attentionem nostram, licet cursim, praeexigunt quia, fluente hoc primo foundationis lustro cum dimitio, intra monasterium convergunt consodales austriaci, lusitani ac neapolitani eorumque apostolicae experientiae in unum coeunt sub praesidio S. Alfonsi, interim an. 1839 albo caelicolarum adscripti. Porro manipulus istemissionarius valde gavisus est, postmodum, ex accessione P. is Antoñanzas, secum ferentis novam tesseram internationalem atque pie somniantis se in patriam longinquam retransmissurum liguorianaee familiae germina, quae sedulo decerpisset apud confratres Finarienses.

Ex his praememorare opus est austriaci imperii sodales, ex quibus — ante quam D. Isidorus Antoñanzas fuisset obvius — advenerunt Finarium PP. Adalbertus Drick (1835), Matthaeeus Walleczek (1836), Franciscus Weidlich (1836), Bartholomaeus Pajalich (1839) et Gasparus Stengl (1842), praeter quosdam Fratres coadiutores. Ut par erat, consodales isti ac duo Fundatores domus mutinensis supra indicati PP. Doll et Mangold, in vicem mox collegio Finariensi praepositi, retinuerunt auctoritatis habenas et cum Vicario Generali Transalpino dependentiae legamina, quin benevolas aures aures praeberent Rev. mo P. Ioann. Camillo Ripoli, novo Rectori Maiori, tardius cupienti adsciscere fundationes ducatus Mutinensis suo immediato sceptro.

Hisce domibus ac postmodum caeteris lombardis atque romanis operum suam valde pretiosam contulerunt quattuor vel quinque sodales eximii, ex Lusitania (*Portogallo*) parum pridem alacriter profugi, utpote qui depulsis ex Ulyssipone an. 1833 PP. Redemptoristis austriacis maluerunt illi in vocatione, etiam per exilium, constantes manere quam in patria novam vivendi rationem tentare. Ad tempus igitur refugium invenerunt Trudonopoli (*Saint-Trond*, in Belgio) et Wittemii (*Wittem* in Hollandia) apud confratres foundationum recentium (14): unde iubente Vicario Generali Transalpino translati sunt in calidioram Finarii planitiem, probe illo sciente quod apud italas gentes aptari melius possent ministeriis in futuro obeundis: in spem quoque erecti

(13) Ex ipsis, inscriptione celebratur supra ecclesiae ianuam « P. Bonaventura de Onuphriis Finalensis... huius conventus Fundator... obiit die 21 ian. 1678, aetatis suae ann. 85 ».

(14) Cfr *Digesta Chronica Collegiorum SS. Red. Provinciae Belgicae*, III, Trudonopolis, (sine anno) 7-II. - *Spic. hist.* 13 (1965) 287-288.

posthinc salutandi diem promissionis, id est, restaurationis Instituti alfonsiani ad oceanicas Tagi ripas, non secus ac inter ipsos P. Antofianzas in somnis praespiciet Iberi sui oram liguorianis virgultis frondentem.

Ex lusitanis prior aetate ac dignitate incessit P. Franciscus Xav. de Menezes, prope Goa in India orientali ortus, professione ac sacerdotio auctus Ulyssipone apud redemptoristas, exul in Belgio atque in Hollandia: unde Mutinam ingressus est die 20 septembris an. 1835, deinde Romam die 9 februarii an. 1836 petiturus necnon Nuceriam Paganorum aditurus, quo melius consuleret valetudini nimbo septentrionali caelo quassae (15). Cum illo Mutinae comparuit minorista Iosephus M. Marcus d'Oliveira Valle, natu ulyssiponensis, qui Trudonopoli magistro P.e Bernardo incubuerat studio theologiae: sacerdotali honore Mutinae insignitus die 28 maii an. 1836, devenit protinus verbo, calamo atque exemplo membrum valde efficax totius compagini alfonsianae (16). Praetermisso candidato Sebastiano Díaz ex Algarve oriundo (17), connotantur duo clerici Ioannes Silva et Iosephus Azevedo: ambo, primum Trudonopoli humanioribus litteris et philosophiae, deinde (a mense ianuario an. 1836) Wittemii philosophiae studuerunt, donec Finarium salutarunt die 17 octobris an. 1837: inde coronatis studiis ecclesiasticis sub magisterio P.is Valle, ascenderunt Mutinae die 22 iulii an. 1838 ad sacerdotii fastigium: ita ut ut P. Silva Finarii litaret primâ eucharisticâ hostiâ die 2 augusti pro B. Alfonsi solemniss.

Finariensi familiae complementum opportunum, saltem ad tempus, praestiterunt diversi neapolitani consodales, quorum optata praesentia atque in missionibus experientia magni aestimabantur ad inserendas Fundatoris traditiones cohorti transalpinae. Primi advenientes compellabantur PP. Ignatius Sortino, Emmanuel Baldari et Vincentius La Notte, qui ad Finarium accedentes die 22 aprilis an. 1837, ibidem sequenti hebdomada coeperunt missionem popularem plane alfonsianam, quae usque ad diem 25 maii protracta est: eo quidem eloquentiae naturalis ac gratiae supernaturalis triumpho, quem fideliter atque abunde extulerunt relationes coevae, privatae ac publicae, decem abhinc annos in *Spicilegio* editae et valde solerter a PP. Löw et Sampers adnotatae (18). Stat adhuc Finarii et nuper venerari potuimus singulare illius misionis monumentum, cui nomen « Calvario », absque dubio reputandum tamquam symbolum permanens ac perenne apostolatus specificè alfonsiani (19): quin etiam, tamquam compendium et culmen intervalli centum annorum, quod ligat « calvarium » hoc Finariense et « calvarium » Villae Liberi (1734), utrumque quintuplici cruce exornatum.

(15) Cfr *Spic. hist.* 4 (1956) 47, nota 16.

(16) Cfr *Spic. hist.* 13 (1965) 251, nota 6.

(17) Cfr *Spic. hist.* 4 (1956) 48, nota 21.

(18) *Ibid.* 44-67.

(19) Hodiernum « calvarium » in loco exstans est illud ipsum, de quo mentio fit ac descriptio in foliis (p. 63-64) praecitatis. Marmoreus lapis praeconatur: « A perpetua memoria della Missione / fatta nel 1837 dai PP. Redentoristi / Questa cappella in simbolo del Calvario / I divoti Finalesi innalzarono ». - Sub arcu, classicis columnis ad utrumque latus surrecto, lignum crucis quintuplex colitur, sacrae Passionis instrumentis ornatum, lampada olim lucente illuminatum.

In comperto manet spiritualem victoriam tanto ardore partam et conclamata suscitasse inter cives Finarienses ac penes consodales austriacos et lusitanos intensiorem adhaesionem B. Alfonso, missionum renovatori ac praeconi. Beatus equidem Fundator ab initio possedit in ecclesia Finarii cappellam sibi propriam cum effigie apprime depicta, visitanti iucundissima usque ad hodiernos dies (20). Causa canonizationis, ab anno 1830 quoad substantiam absoluta, coronamen publicum obtinuit die 26 maii an. 1839 per proclamationem solemnem novi Sancti, cui in altari Finariensi preces suas porrexerunt Instituti proceres: Rev.mus P. Caelestinus M. Cocle, archiepiscopus titularis Patrensis (21), PP. Passerat, De Held, Madlener. Sub finem eiusdem anni et mensibus sequentibus usque ad februarium an. 1841 comparent Finarii nonnulli Patres neapolitani, — Santulli, Feola, Centore, De Conciliis —, quibus rector maior Rev.mus P. Ioann. C. Ripoli commisisset regendam domum Finariensem, nisi quod Apostolica Sedes die 2 iulii an. 1841 edidit decretum, a P. Smetana die 11 augusti communitati exhibitum (22), quo creatis sex Instituti provinciis, ad austriacam pertinere sanciebatur — praeter alias octo domos — utraque domus « Finarii et Mutinae in Ducatu Mutinensi » (23).

Hic rerum personarumque status hucusque praemissus conferet protinus opem ad melius capiendam biennalem P.is Antoñanzas commorationem in domo Finariensi.

### 3. - *P.is Antoñanzas vita religiosa et mors heroica in conventu Finariensi* (1843-1845)

Intra hunc circulum geographicum, religiosum et claustralem oppidi Finarii egit P. Antoñanzas ultimum vitae suae biennium. Absque dubio pressus exilii necessitatibus dederat unam alteramve linguam eo saltem gradu, quo virum ecclesiasticum decebat. Nihilosecius adveniens Mutinam initio mensis aprilis an. 1843 sermocinari valuit linguâ ibericâ cum P. Valle eoque comite Finarium petere die 7 eiusdem mensis sub vesperum, feria sexta post dominicam Passionis. Chronista localis sublineat speciali benevolentia illius adventum ac admissionem in Novitiatu a Vicario Generali ratam.

Initium effectivum periodo probationis habuit candidatus die prima mensis maii, cum indutus est veste alfonsiana a P. Bartholomaeo Pajalich, domus rectore (Doc. III). Dici nequit quod solus calcaverit ambulatoria Novitiatus.

(20) Linteum depictum (circiter 2 m. × 1,30 m.) exhibet sanctum Episcopum ac Fundatorem forma satis sueta: tenentem manu sinistra crucifici imaginem, nixum reclinatorio, rosarii grana volventem manu dextra.

(21) De hac visitatione scribit: « Aprile, 25. Incirca alle ore 4 pomeridiane si presentò qui alla nostra insaputa Monsignore Cocle, altra volta Rettore Maggiore della nostra Congregazione... Da Bologna venne espressamente a visitarci... Non si può descrivere la paterna cordialità con cui ci ha trattato. Alle 6 ore della mattina di 26 celebrò la messa bassa nell'altare del nostro B. Alfonso, assistito dal nostro P. Valle. Dopo le ore 7 della stessa mattina partì per Modena ». *Registro Cronologico*, f. 38.

(22) Ibidem, f. 70: « Portava il decreto della Santa Sede che terminava i nostri affari ».

(23) Cfr textum apud: *Acta Integra Capitulorum Generalium*, Romae 1899, 301-303.

Praeter novitios coadiutores, citantur ex choristis: Titus Grossi finariensis, Antonius Savorin patavinus, Antonius Teichmann slesianus, Wenceslaus Haklik bohemus: postremus iste candidatus videbatur quodammodo singularis, utpote doctor, professor, viduus, sacerdos, cum filio Aloysio quattuordicenni, serius professo in Instituto (24). Novitiorum magistrum agebat P. Adalbertus Drick, iam fere veteranus in Ducatu Mutinensi (25).

Coniectare licet quod magister hic adaequarat suum instructionis et exercitationum programma tum normis spiritualitatis plus minusve communibus apud novitiatu religiosorum, tum propriis Instituti alfonsiani traditionibus, quatenus hae ultimae fuerant insertae ramo illius transalpino. Sic v.gr. quoniam primi Congregationis novitii, ductore S. Alfonso, haud renuebant in Villa Liberi conciunculas catecheticas publice proferre, comperimus Finarii doctorem novitium Haklik verba in publico interdum facientem « propter concionatorum penuriam », animadvertit chronista. Ex opposito Antoñanzas noster vix semel iterumque obvius venit ornatus dalmatica vel cappa magna.

Transactis sex mensibus, die 31 octobris eiusdem anni 1843, duo novitii sacerdotes Antoñanzas et Haklik accesserunt ad professionem religiosam emittendam inter manus P. Pajalich (Doc. III). Ex tunc neoprofessus P. Antoñanzas vixit usque ad mortem sub dulci influxu ac cum sincera amicitia huius viri religiosi inter coaevos praestantissimi (26). Enimvero P. Bartholomaeus Pajalich, quem omnes uno ore « virum sanctissimum » dixerunt, exhibere poterat locuples vitae curriculum. Natus an. 1791 Bescae in Veglia, prope Istriam (27), sacerdotio ornatus an. 1814 iuxta ritum illyricum, studia ampliandi causa se contulit Vindobonam, ubi admiratione ac veneratione correptus erga S. Clementem M. Hofbauer, se totum tradidit dirigendum illi, quem an. 1821 morientem filialiter iuivit. Congregationem ingressus curavit per decennium Vindobonae nostros studiosos iuvenes spiritu Instituti imbueri, atque animabus cunctis prodesse, donec an. 1833 novo collegio Marburgi erecto praefectus est. Elapso sexennio descendit in Italiam, quam — exceptis bienniis 1848-1850 et 1860-1861 — incolere et sanctificare perrexit usque ad ipsius obitum, an. 1863 laetificatum « visione » S. Clementis M. Hofbauer (28).

Praeunte ergo P. is Antoñanzas necrologia, a P. Pajalich exarata, atque revisis chronicorum Finarensium indicationibus fas est confratris hispani biennium paululum texere. Si exordimur a sodalium numero, hunc conflatum

(24) Iuniorae aetate decessit e vita die 3 octobris an. 1846 quin ad sacerdotium conscenderet. De illius pio obitu prostat Relatio a P. Leopoldo Stix exarata. AG XXII R 12b.

(25) Super illo, cfr *Spic. hist.* 4 (1956) 57, nota 37.

(26) Minus recte *Annales Prov. Hispanicae*, I, 15 adserunt: « Quo tempore ad oblationem admissus fuit P. Antoñanzas, domus Finariensis gubernacula regebat Adm. R.P. Silva lusitanus ». Profecto a die 17 aprilis an. 1842 usque ad 20 decembris an. 1845 domus clavum tenuit P. Pajalich, cui successit P. Silva.

(27) Cfr *Villa Caserta*, Romae 1905, 52, 59, 63, 85-86. - *Spic. hist.* 2 (1954) 264 n. 122.

(28) Ecce connotatio primigenia Chronicorum: « Aprile 3. - Oggi Venerdì Santo, verso le dieci della mattina, mentre nelle chiese si cantava la Passione di G. C., felicemente spirò l'anima sua tra le braccia del Divin Redentore il carissimo Padre nostro Pajalich, Consultore Generale... Al P. Marchi dichiarò così: E' venuto il P. Hofbauer e m'a detto: Requiem aeternam ». *Cronaca della Casa Generalizia*, I (1855-1899) ff. 56-57.



discimus sex professis sacerdotibus linguae germanicae, tribus lusitanis, tribus quattuorve studentibus ac totidem novitiis, quattuor vel quinque fratribus coadiutoribus. Intelligimus summam « mediam », quae variationibus subiavit, praesertim postquam in secundo semestri an. 1843 intra Mutinae Ducatum inaugurata fuit Monticuli (*Montecchio*) tertia domus alfonsiana, cui ab initio contulerunt operam suam lusitani PP. Valle (29) et Silva, idcirco ex tunc avulsi a cohabitatione cum P. Antoñanzas, etsi perstabat occasionarium amicitiae commercium inter utramque domum, haud nimia distantia separata.

Primum ergo cooperationis bracchium porrexit P. Antoñanzas frequenter, cum in chronicis inducitur explens sibi adsignatas partes diaconi, subdiaconi, caeremoniarii et sic porro, eo magis emeritas quod implicant humilitatem suique abnegationem. Interea linguam italicam callere et possidere nisus est adeo, ut die 25 martii an. 1844, in solemnitate Annuntiationis B.V.M., expresse connotet chronista quod P. Antoñanzas habuit suam primam concionem ad populum, secundam vero recurrente dominica « in albis » die 14 aprilis. Posthac conscendit ille suggestum statis diebus festis vel dominicis, moderata potius quam nimia frequentia: quoniam inter festa, oratoriis illius praeconiis magnificata, citantur solemnitates SS. Cordis Iesu et B.M.V. sine labe conceptae deducimus quod optimos progressus in dicendo fecerat et spem indubiam praebebat de futuro apostolatus sui incremento. Ecclesiae siquidem titulus efferebat mysterium Immaculae Conceptionis, publicae devotioni propositum piissimo B.M.V. simulacro post altare maius elato.

Alterum collaborationis stadium aestimabatur confessionale. Nondum siquidem nata erat theoria, quae vellet reservare sacerdotibus « minus habentibus » honorem, id est, onera audiendi confessiones, dum ceteri « superdotati » (propria eorum opinione) effugiunt talem responsabilitatem. Unitas porro sacerdotii, quae per concelebrationem iure meritoque proclamatur, secum ferebat — praesertim in schola S. Alfonsi — « con-confessionem », qua certatim sacerdotes, ex altari discedentes aut ad altare accedentes, applicabant membris Christi beneficia sacerdotii quod ex Capite receperant. Hac de causa in chronicis domus Finariensis, quasi eventus afficientes cuncta eiusdem membra, memoratur die 28 aprilis an. 1844, dominica tertia post pascha, quod ex Curia episcopali pervenerat « pagella » cum facultate iurisdictionis pro P. Antoñanzas, die autem 5 maii subiungitur quod ille initiavit exercitium sacri tribunalis poenitentiae.

Ad missiones quod attinet, nullum adest vestigium quod earumdem participes fuerit P. Antoñanzas post suum confessarii praeludium usque ad obitum anno sequenti deflendum. Certe quidem, pro exiguo operariorum numero, excursus missionarii haud erant frequentes atque in ipsis interveniebant sodales Finarii et Montecchii. Sic v.gr. mense novembri an. 1844 conscenderunt

---

(29) Pater Iosephus M<sup>a</sup> Valle factus est diligens historicus Sanctuarii Monticulensis cum sua opella: *Notizie Storiche intorno al Santuario de S. Maria dell'Olmo a Montecchio di Reggio*, Modena 1850, 69-71. Sanctuarium, quod nuperrime visitavimus, manet apertum, apprimè custoditum et pro cultus perfunctione dispositum, utpote quod zelantissimo loci parochi subiectum et monialium Servitarum adiacentis monasterii piis usibus obnoxium.

montes « reggianos » ac in monte Babio missionem habuerunt PP. Mangold, Walleczek, Silva, Valle et diaconus Pigioli.

Interea P. Antofianzas, cui post paucos dies a sua professione commissum erat die 9 novembris an. 1843 munus praefecti ecclesiae, illud explere sagtegit intensiore in dies deditio. Iuxta necrologiam infra edendam, datae quoque sunt ei ad tempus partes praefecti studentium, de quibus silent chronici annales. Ne tamen credas alumnorum nostrorum turmam adunatam Finarii convixisse; eorum numerus numquam excessit quattuor vel quinque iuvenes, quorum celebriores mox devenerunt Petrus A. Chiletti, Iosephus Pigioli, Titus Grossi (30).

Postremus iste Grossi, patriâ finariensis, professus die 16 iulii an. 1843, comes extitit P. is Antofianzas non solum novitiatus tempore, verum praesertim in convehendo opere apostolico, cui adnexa fuit mors immatura zelantis operarii. Enimvero inter Finarii fractiones sive pagos rurales distinguebatur, atque hodie ultra caemeterium commune distinguitur, regio S. Laurentii 2 circiter klm. dissita atque honorata sancti martyris sacello, cui diebus festis obveniebant ruricolae per circuitum dispersi ad ripas fluminis Tanari (*Tanaro*) (31).

Iam vero: ab ipsis primordiis foundationis Finariensis consodales alfonsiani, beati Fundatoris memores, honori sibi duxerunt consulere bono spiritali agricularum et opilionum S. Laurentii, saltem per instructiones catecheticas tempore quadragesimae frequentiores: idcirco in chronicis domus die 27 februarii an. 1837 expresse relatum est quod ex tunc sumpsit initium apud S. Laurentium opus catecheseos a P. Valle susceptum. Haud aliter die 12 februarii an. 1845 ibidem asserit chronista P. em Antofianzas cum studente Tito Grossi profectum fuisse post prandium, ut in S. Laurentio inauguraret colloquia catechetica per totam quadragesimam protrahenda.

Labor non videtur fuisse per se nimis onerosus. Iter unius semihorae a conventu usque ad S. Laurentium aestimabatur potius deambulatio quam defatigatio, nisi quando peragebatur infensis pluviae aut venti blanditiis. Nec parvulorum adultorumve grex fidelis occurrit multiplicandus, utpote qui respondebat 20 circiter familiis in vicinitate fluminis demorantibus. Attamen opus est rependere generosum zelum catechistae, quem necrologus describit inhiantem Christo attrahere canticis donisve animos adstantium puerorum: pensare quoque necesse est operarii valetudinem, quae mense martio die 4 mensis martii an. 1844 dicitur subiecta morbo transeunti.

Utcumque sit, indubium restat quod sub finem rigidae hiemis an. 1845

(30) In « Elencho » supra (nota 8) indicato legimus: « 16 ottobre dello stesso anno [1844] vien destinato a questo Collegio il R. P. Leopoldo Stix austriaco per Lettore e Prefetto degli Studenti ». Unde liquet P. em Antofianzas munus praefecti obiisse ad tempus dumtaxat ac transeunter.

(31) Flumen Tanarus censebatur regionis benefactor simulque flagellum, quatenus vel aqua terras irrigabat vel inundatione eisdem nocebat vel aëris humiditate incolas opprimebat: idcirco legimus in sacello S. Laurentii hanc inscriptionem, sine dubio familiarem P. i Antofianzas: « D.O.M. / Impium quas flumen / Sacras divi Laurentii aedes / a fundamentis evulsit / Anno 1677 / Clementis archipresbyteri Fransonii / Devota erexit Pietas / Anno 1696 ».

coepit serpere in Ducatu Mutinensi pestilentia valde gravis, quae vias respirandi ac pulmones violenter inflammabat (32): contagio protinus grassabatur Finarium eiusque circuitiōnem, propterea quod fluminis Tanari humor ac nebula nocebant communi sanitati: unde in libris paroecialibus ad mortuos spectantibus prostat elenchus solito densior eorum, qui febris subitanea ac letali correpti occumbebant morti post paucos languoris dies (33).

Ita contigit impigro P. Antoñanzas, qui zelo aestuans nequaquam renuit invisere domunculas ac tuguria, sacramentorum dona ministrans pauperibus tabe contagiosa infectis: qua vicissim ille contaminatus, lecto discubuit die 2 aprilis eiusdem anni 1845, et quidem adeo ustus praecordiis ob febris ignem ut sine mora intelligeret se a Deo pariter vocari in aeternam gloriae coronam, quam heroica deditiōne adparare gestierat ruricolis morti proximis. Reipsa, post septem infirmitatis dies et frustra adhibitis medicorum remediis, evolavit ad Dominum die 9 aprilis, munitus omnibus Ecclesiae sacramentis atque spe immortalis praemii confortatus: aetatis vero suae annorum 39 et 3 dierum.

Non abs re chronista declarat « memorabilem » diem, qua e vivis discessit P. Antoñanzas: etenim, auctore necrologiae teste, illius inopinus obitus cievit « impressionem salutarem », quippe quod cunctis domi forisque patebat se ipsum obtulisse tanquam victimam caritatis sacerdotalis. Ex alia vero parte sertum virtutum, quo cingitur a biographo itemque suo direttore spirituali, exprimit tum illius alfonsianam maturitatem, tum communem aestimationem. Dolendum quidem visum est quod, ipso in superna abeunte, evanescebat aut saltem sine die differebatur spes instaurandi Congregationem in Hispania. Nondum venerat hora, quae tandem post octo annos appropinquavit, cum Româ die 8 februarii an. 1863 profecti sunt tres primi consodales: eosdem versus Iberiam itinerantes fortunavit sua benedictione P.

(32) Cfr *Foglio di Modena*, 1844-1845. Biblioteca Estense: A. 72. P. 4. Giorn. 11. Item: *Messaggere Modenese*, 1845: A. 40. o. 6. Ex utroque folio publico eruitur quod nequit affirmari totum Ducatum pestilentiae subiacuisse: Mutinae namque vix affertur unus alterve casus, v.gr.: 22 februarii 1845 obiit « il marchese Agostino Livizzani, maggiordomo maggiore delle principesse... robusto, ma una violenta malattia infiammatoria lo ha tratto in pochi giorni al sepolcro ». *Messaggere*, 1845, p. 64. - Confirmatur, quoad urbem Mutinae, ex archivio paroeciae ducalis S. Dominici, cuius *Liber mortuorum* (1844-1845) nequaquam prae se fert eorum numerum ultra consuetum, etsi in prima anni parte connotat quosdam ex illis decessisse « per tabe », « per infiammazione » etc.

(33) Arch. Parr. del Duomo, ossia Collegiata insigne di Finale, Libro de' Morti (1844-1857), f. 22 ss. - Mense martio atque aprili huius anni 1845 adferuntur viginti circiter defunctorum casus, quibus adiudicatur tanquam causa mortis: « di febbre », « per infiammazione al petto » et his similia. - Caeteroquin sive intra sive extra ecclesias prostant Finarii inscriptiones lapideae, quae ostendunt contagionis infortunium haud inusuetum: « Sanctissimae Virgini Mariae populus Finariensis... quod abs tabida peste propitius eius numine vindicatus sit, hoc monumentum dicat an. 1630 ». - Item in sacristia: « Memoriae et virtuti Ioannis Alex. F. Rossi sac. can. magister in sacro Seminario annos XXV..., qui cholera asiatica ingruente / villam suburbanam cum horto / in usum curatorum nosocomii temporarii laetus concessit / atque dum in ea subsidia religionis / aegrotantibus ad dies I, ultro administrat / morbo evangelicae caritatis causa contracto / sancte decessit kal. oct. anno 1855. Annos natus 51, menses 5, dies 25 ». Cognoscere itaque valuit P. em Antoñanzas eiusque exempla erga aegrotos aemulari.

Pajalich, consultor generalis, qui manu sua « angelica » benedixerat P. em Antoñanzas angelis obviam euntem (34).

## DOCUMENTA

## I

*Actum Baptismi R.P. Isidori Antoñanzas*

Arch. Parr. de Santa María (catedral), Calahorra, Lib. XII de Baut. (1801-1809), f. 120r.

[*Ad oram.*] Isidorus Antoñanzas.

En seis días del mes de Abril de mil ochocientos y seis años yo el infrascripto Pro Vicario perpetuo de esta Santa Iglesia de Calahorra bauticé solemnemente à un niño que nació el día quatro de Abril a las dos de la tarde: púsele por nombre Isidoro: es hijo legítimo de Felipe Antoñanzas y de Francisca Lorente. Abuelos paternos Manuel Antoñanzas y Josefa Oliban: y maternos Blas Lorente y Francisca Barco, todos naturales y vecinos de esta ciudad; fueron sus padrinos Calixto Martínez de San Miguel y Manuela Oliban, naturales de esta ciudad, à quien advertí el parentesco espiritual y demás obligaciones contrahidas: y por la verdad lo firmo

D.n Manuel Sáenz del Prado

## II

*Notitiae quaedam super familia Antoñanzas*

Arch. Municipal, Calahorra, Padrones.

- Año 1812.* - Calle S. Antón, n. 2. - Felipe Antoñanzas, yerno de Lorente. Vivían en el n° 43 de la calle.  
*Año 1821.* - Calle de S. Antón. Felipe Antoñanzas, labrador, 50 años. - Su mujer Francisca Lorente 48 años. - Hijo, Isidoro, 15 años.  
*Año 1822.* - Calle S. Antón. Felipe Antoñanzas, yerno de Lorente. Años 60 [sic]. Casado, vecino: suerte [*id est, opes*] buena: labrador.  
*Año 1828.* - Calle S. Antón. Felipe Antoñanzas...: caballos 2.  
*Año 1829.* - Calle S. Antón. Felipe Antoñanzas... Ingresos: por hacienda, 2018 [*reales*]: por granjería, 500.

## III

*Acta Vestitionis et Professionis R.P. Isidori Antoñanzas*

Arch. PP. Red., Scifelli, Noviziato. Elenco de' Novizi e dei novelli Professi della Cong.ne del SS. Red. nella Alta Italia dall'anno 1837, Libro I, Parte prima, f. 5, n. 11 (35).

A dì 1° maggio 1843, giorno di lunedì, dedicato ai gloriosi Apostoli

(34) « Eum [Pajalich] vicissim S. Clemens Maria tenerimo prosequatur amore et angelum in humana carne dicere solebat ». - *Villa Caserta* 85.

(35) Copia huius Elenchi a P.e Antonio Chiletta facta conservatur in AG, Cat. VII.

SS. Filippo e Giacomo, è stato ammesso al Noviziato dell'Immacolata Concezione della B.V. nella città del Finale di Modena dal R.P. Bartolomeo Pajalich, Rettore della Casa suddetta, il sacerdote Isidoro Antoñanzas della città di Calahorra nella Vecchia Castiglia della Spagna, avendo d'età anni 37, e giorni 27, per esser nato a dì 4 aprile 1806.

Ammesso all'oblazione a dì 31 ottobre 1843. Vedi Libro I, parte II, pag. 4.

\* \* \*

Parte II, pag. 4, n. 4.

[*Propria manu*:] Io, Isidoro Antoñanzas, della città di Calahorra in Hispania, Novizio della Congregazione del SS. Redentore, in questo giorno 31 ottobre 1843, vigilia d'Ogni Santi, ho fatto spontaneamente in questa casa dell'Immacolata Concezione di Maria SS. nella città del Finale di Modena, in mano del M.R.P. Bartolomeo Pajalich, Rettore della casa suddetta, i voti semplici secondo le nostre Regole ed a tenore dei nostri privilegi, di Povertà ed Ubbidienza col voto e giuramento di Perseveranza in essa Congregazione sino alla morte, alla presenza di tutta la Comunità, e specialmente dei RR.PP. sottoscritti.

Io Padre Bartolomeo Pajalich, Rettore della suddetta case, pella facoltà avuta dal nostro R.mo Vicario G.le ho ammesso all'oblazione il suddetto sacerdote novizio: onde in fede.

Io Adalberto Maria Drick sono stato presente.

Io Matteo M<sup>a</sup> Walleczek sono stato presente

#### IV

*R.P. Isidori Antoñanzas necrologia a P. Pajalich concinnata*

AG XXII R 12a.

V.G.M.G. Estratto dal Registro Cronologico sotto il dì 9 aprile 1845, scritto dal M.R.P. Bartolomeo Pajalich.

Giorno 9 aprile 1845. - Giornata memorabile per la morte del R.P. Isidoro Antoñanzas. Nato l'anno 1806 a Calahorra nella Spagna, fatto sacerdote si è segnalato pel suo zelo nell'assistere agl'infetti di choléra-morbus (36).

Uscito dalla sua patria per cagione delle tristi conseguenze della guerra civile insorta fra i partitanti di Don Carlo IV, Pretendente al trono (37), e quelli di Isabella II Regina costituzionale si trattenne per alcuni anni, dimorando or a Baionna, or a Marsiglia in Francia, or a Friburgo nella Svizzera, or a Salisburgo, a Innsbruck e a Bolzano negli stati austriaci, come si vede da diversi attestati rilasciatigli dalle Autorità ecclesiastiche della sua buona

(36) Sub vocabulo « colera », « colera asiatico », « cholera morbus » includebantur olim apud vulgum diversa genera morborum.

(37) Carolus Maria Isidorus de Borbón a suis asseclis vocatus fuit initio simpliciter « Don Carlos », mox « Carlos V » rex Hispaniae, quia vetus imperator Carolus V (1500-1558) censebatur Carolus I Hispaniae.

condotta. Si è segnalato in diversi luoghi per lo zelo in ascoltar le confessioni de' suoi connazionali, usciti parimenti dalla comune patria (38).

A Friburgo e ad Innsbruck ha avuto l'occasione di conoscere alcuni nostri Padri; e dimorando a Bolzano da RR.PP. Cappuccini si sentì nascere la vocazione di entrare nella nostra Congregazione, nella quale fu accettato dal ||2|| nostro Rev.mo P. Vicario Generale, mediante una lettera di risposta che gli fu scritta a tal oggetto. Si portò subito a Finale, dove fu indirizzato, vestì l'abito nostro della Congregazione il 1° maggio 1843, e professò la vigilia di Tutti i Santi dello stesso anno, dopo il noviziato di sei mesi, fissati per quelli ch'erano in Congregazioni da sacerdoti.

Fatta la professione ardeva di zelo per l'osservanza della S. Regola e per la conversione dei peccatori; si consacrò ad ascoltare le confessioni e si diede con special fervore alla Dottrina Cristiana a San Lorenzo (piccola chiesa distante circa un miglio da Finale), ai figli e alle figliuole dei poveri contadini, infervorandoli con divote canzoncine alla devozione alla B.ma Vergine, ed animandoli ad imparare col distribuire quante immagini sante poteva ricevere dal Superiore.

Quest'anno (1844-45) era un inverno rigido e lungo oltre il solito, e cagionò delle malattie infiammatorie anche fra i poveri contadini. Il che vedendo il nostro Padre si mosse a compassione. Andando per ciò a far la dottrina alla sopradetta chiesa si portava nelle case degli ammalati per benedirli consolarli ed ascoltare le loro confessioni con non poco strapazzo. Ai due del corrente aprile ritornando appunto a casa da questa ||3|| sua diletta occupazione à favore della gente campagnola, si sentì attaccato egli stesso dalla malattia dominante, che in questo anno portò molti uomini, specialmente robusti, all'eternità.

Messosi a letto, e sentendo le punture ai lombi, non si trascurò di chiamare il medico della Casa. Trovò la malattia violenta e già pericolosa, adoperò subito tutti i rimedii suggeritigli dall'arte; ma non ostante tutta la sua sollecitudine e cura, non poté arrestare il corso della malattia, detta pleuritide, che nel breve giro di sette giorni lo portò all'altra vita. Il paziente stesso intese subito la gravezza della malattia, ed offerì più volte la sua vita al Signore e si mise ad esercitare nella medesima, in un modo ammirevole, la pazienza, l'obbedienza prontissima a qualunque ordinazione del medico, corporale e spirituale; l'umiltà col domandare a ciascheduno de' confratelli ed al Superiore scusa e perdono, col confessare più volte le sue colpe in secreto ed in publico; e la gratitudine, ringraziando Dio per la vocazione alla Con-

(38) Recens historicus scripsit: « Don Isidoro Antoñanzas... después de haber estado en Inglaterra, donde se habían refugiado don Carlos y muchos de sus más decididos partidarios, se trasladó a Friburgo ». D. DE FELIPE, *La Ven. Madre Antonia*, Madrid 1962, 66 nota 1. - In eiusdem paginae textu afert epistolam an. 1839 in qua D. Susanna, mater Ven.lis Antoniae, communicat: « He estado con don Isidoro Antoñanzas y me ha dicho que don Carlos ocupará el trono el año próximo ». Fateor me in ancipite manere, tum ob silentium necrologiae circa commorationem in Anglia, tum ob nuntium de victoria (?), an. 1839, quo bellum clausum est. Indagare tamen pergam notitias archivorum, quia praesumpta D. Isidori Antoñanzas participatio inter aulicos cappellanos auget illius merita et qualitates.

gregazione, rinnovando i voti e raccomandando ai confratelli l'osservanza della Regola e specialmente della s. obbedienza.

Ricevuto il SS.mo per Viatico, e munito del Sacramento dell'Estrema Unzione, andava sempre più crescendo il fervore ||4|| del suo spirito esercitandosi nella s. orazione e nelle giaculatorie verso Gesù Bambino e la B.ma Vergine. Le ultime parole che proferì articolatamente erano: *Defecit in salutare tuum anima mea e in verbum tuum supersperavi*; ed assistito dai Padri, specialmente dal suo confessore, spirò tranquillamente l'anima sua nelle mani del Signore, che con gran divozione aveva desiderato, alle ore 10 antemeridiane del giorno 9 aprile 1845.

Il suo corpo è stato composto e vestito dai nostri confratelli, verso sera dalla sua camera trasferito in parlatorio di sotto, e posto in una cassa a ciò fatta. Il giorno seguente nel parlatorio addobbato di nero stava esposto a vedersi da tutti fino alle ore 8 del mattino. Allora se gli fecero i funerali, trasportandolo i nostri confratelli ed accompagnandolo tutta la Comunità, ed alcuni sacerdoti nostri amici e secolari, che accorsero. Si uscì per la porta grande della chiesa: e collocato al luogo conveniente, si recitarono i tre notturni colle laudi, e si cantò la messa con alla fine le esequie.

Si lasciò il corpo nella bara fino al dopo pranzo; poi a porte chiuse fu di nuovo trasportato nel parlatorio fino alla sera, e terminato il luogo del sepolcro, che si fece prestamente costruire (fino a quest'epoca mancava) dietro la cappella di S. Antonio fu sepolto colle solite preci (39). La sua morte fece sopra li abitanti ||5|| una salutare impressione, persuasi che egli se l'era attirata cogli strapazzi che si era addossati per bene delle anime, specialmente della campagna, e che per ciò andava a ricevere il dovuto premio in paradiso. Il che il Signore conceda anche a noi tutti. Anche sopra i confratelli fece una salutare impressione la malattia e la morte di questo Padre, il quale l'abbracciò virilmente e con animo direi eroico.

N.B. Questi cenni cronologici, estratti dal Registro, sono scritti di mano propria dal R.P. Pajalich. Fu egli che li stese: e tanto più si avrà meritare fede, perché il medesimo Padre fu già Maestro dell'Antofianzas nel suo spiritual tirocinio, e suo Direttore fino all'ultimo momento della vita (40).

Laus Deo Beataeque Virg. Mariae et S. Alphonso.

\* \* \*

Questo buon Padre fu alcun tratto prefetto degli Studenti. Più volte da loro si fece calpestare co' piedi: talora mangiava gli avanzi altrui: aveva chiesto, ma non ottenne, di poter dare ai poveri la sua porzione di cibo: ebbe a combattere un natural di fuoco, cui per altro non sempre poté domare: pronto a umiliarsi dopo il difetto: una volta dimandò scusa a un villano, cui aveva fatto per impeto una correzione giusta, ma un po' aspra.

(39) Cappella « divo Antonio patavino » sacra eiusque altare privilegiatum, munitum ibidem Brevi pontificio Clementis XIV, invenitur ad cornu evangelii prope ianuam ecclesiae: subter eiusdem pavementum iacet hypogeum, quo usque hodie custodiuntur exuviae quorundam defunctorum, ex quibus valde probabiliter eminet noster P. Antofianzas.

(40) Verba « maestro nel suo spiritual tirocinio » intelligantur, oportet, lato sensu, quoniam documenta supra (nota 8) relata adiudicant P.i Drick magisterium novitiorum, saltem a die 17 aprilis an. 1842 usqua ad diem 15 novembris an. 1843, quo mutavit sedem cum Montecchio.